

CONCELLO DE NARÓN

AUDIENCIA E INFORMACIÓN PÚBLICA

EXPEDIENTE DE ELABORACIÓN DO REGULAMENTO DENOMINADO: REGULAMENTO DE RÉXIME INTERNO DA LUDOTECA PÚBLICA MUNICIPAL.

OBJECTO: Sen prexuízo da consulta previa á redacción do texto desta iniciativa, xa efectuada (ao estimar que a norma afecta aos dereitos e intereses lexítimos das persoas), o Concello de Narón acorda publicar agora un primeiro borrador do texto da disposición neste portal, co obxecto de dar audiencia aos cidadáns afectados e recabar cantas aportacións adicionais poidan facerse por outras persoas ou entidades. Así mesmo, poderá tamén recabarse directamente a opinión das organizacións ou asociacións recoñecidas por lei que agrupen ou representen ás persoas cuxos dereitos ou intereses lexítimos se verán afectados pola norma e cuxos fins garden relación directa co seu obxecto.

NORMATIVA:

Artículo 133 da Lei 39/2015, do 1 de outubro, do Procedemento Administrativo Común das Administracións Públicas.

Directriz nº 6 da Regulación da participación cidadá na planificación, elaboración e avaliación da normativa municipal no Concello de Narón.

PROCEDEMENTO

TRÁMITE: Sometemento a audiencia e información pública da disposición normativa anterior.

DESTINATARIOS: Cidadáns/ás afectados/as.

PRAZO: 15 días naturais a contar desde o seguinte a esta publicación no portal.

DESCRIPCIÓN DA ACTUACIÓN: Como xa se indicó no trámite de consulta previo á redacción deste borrador, é intención desta Corporación a elaboración e posterior aprobación da seguinte norma: **Regulamento de réximen interior de la ludoteca pública municipal.**

Coa súa promulgación preténdese adaptar e regular o conxunto das normas e pautas que rexerán as actividades e servizos cotiáns da Ludoteca Municipal de Narón, elaboradas no marco da normativa aplicable de Ludotecas de Galicia, e demais disposicións concordantes, que xunto coas directrices emanadas do propio Concello de Narón, servirán de referencia obxectiva e obrigada no desenvolvemento dos servizos prestados no referido dispositivo de Ludoteca Municipal.

As ludotecas, como centros de servizos sociais, se atopan suxeitas ao cumprimento dos requisitos xerais, materiais e funcionais, esixidos para todos os centros sociais e relacionados co artigo 7 do Decreto 254/2011, de 23 de decembro, polo que se regula o réxime de rexistro, autorización, acreditación e inspección de servizos sociais de Galicia.

A ludoteca prestará os servizos e desenvolverá as actividades e programas previstos na Lei de servizos sociais e demais disposicións que a regulan, especialmente no marco do Decreto 354/2003, do 16 de setembro, polo que se regulan as ludotecas como centros de servizos sociais e se establecen os seus requisitos e o Decreto 329/2005, do 28 de xullo, polo que se regulan os centros de menores e os centros de atención á infancia.

Tendo en conta a demanda social, e a fin de garantir a calidade na prestación dos servizos sociais e os dereitos das persoas usuarias, estímase a aprobación desta norma como medio de regulación da participación das familias e das persoas usuarias dentro do proxecto educativo do centro.

O prazo para recabar aportacións neste trámite de audiencia rematará o día 29 de xuño de 2018.